



博物志

四

終

服部文庫
117
84
4





續博物志卷第六

前都官員外郎隴西李石撰

少典產黃帝黃帝產元囂元囂產蟠極蟠極產

高辛是為帝嚳帝嚳產放勳是為帝堯

黃帝產昌意昌意產高陽是為顓帝昌意玄囂

也子顓帝產窮蟬窮蟬產敬康敬康產勾芒勾

芒產蟠牛蟠牛產瞽叟瞽叟產重華是為舜

及象

顓帝產絲絲產文命是為禹

唐六典三年一享帝嚳氏于頓丘享唐堯於平

陽稷契配享虞舜於河東咎繇配享夏禹於
安邑伯益配享商湯於偃師伊尹配享周文
王於鄆太公配享武王於鎬周公配享漢高
祖於長陵蕭何配享皆以仲春之月
蜀州青城丈人山每歲春秋一時享以蔬饌以
縣令行

車顛秦書曰符堅高陸縣民穿井得龜大二十尺
六寸背文負八卦古字堅以石為池養之十
六年而死取其骨以問吉凶名為客龜言我
將歸江南不遇死於秦曾於夢中自解曰龜

三萬六千歲而終符秦亡之證
秦龜即山中龜不入水水中神龜長一尺二者
佳龜見蛇則呷而食之

李德曰楊雄蜀王本紀言張儀築城依龜行迹
築之到此聞龜殼酒庫古字文遇曰比嘗為
主庫小吏見龜殼長六尺元和初高宗文截
以為帶勝

野王縣東南有孔子廟有碑魏太初元年禮靈
度以舊宇毀址求修復野王令范象愛河內
太守元真刺史高允表聞立碑於廟治中劉

明別駕呂次文主簿向班虎苟靈龜以宣尼
太聖非碑頌所稱宜立記焉仲尼聞殺鳴犢
旋車而反晉思之為立廟碑云孔氏官於洛
陽下追思聖祖故立廟亦猶劉累遷魯立堯
祠於山矣

鷲鳥雄小雌大庶鳥雄大雌小
鷲鵠能救水故宿水而物不害鵠能平步禁地
啄木遇蠹以嘴畫字成符而蠹自出鵲有隱
巢木鷲鳥不能見燕銜避戊巳日則巢固而
不傾鵲有長水石故能於巢中養魚而水不

涸燕惡艾雀欲奪之則銜其中

鷲有長翰毛江東人取以為曉攤名之曰白鷲

縑

虎鷹能飛捕虎豹身大如牛翼廣二丈

護草一名麻蔥花名宜男風土記云姓婦佩其
花生男也

李衛云金錢花損眼

牡丹初不載文字惟以藥見本草唐則天以後
洛花始盛沈宋元白亦不及也劉夢得有詠
魚朝恩宅牡丹但云一叢千朵謝靈運言永

嘉竹間多牡丹今越花不及洛花遠甚或曰
靈運之所謂牡丹今之芍藥特盛於吳越
祀菊山芋牛蒡道家以為嘉蔬江淮百合根大
而味甘南地微苦其次決明合歡槐芽亦可
養孫思邈以合歡為萱草嵇叔夜合歡蠲忿
萱草忘憂兩物也

山簫一名山線神異經作操永嘉郡記作魅一
名山駱一名蛟一名灌肉一名熱肉一名暉
一名飛龍如鳩青色亦曰洽鳥巢大如五斗
器飾以土堊赤白相間狀如射侯祀者役虎

害人燒入廬舍昔值洪水食都樹皮餓死化
為鳥姚王汪三姓其姓也

俗諺五月上屋言五月人蛇上屋見影魂當去
二廣有草名胡蔓以急水吞之即死慢水即緩
死取毒蛇殺之以此草覆之灑水茵生其上
未為毒藥殺久

北人滄南婦辭歸以毒置食約以年月復還解
以他藥不尔毒發死矣謂之定年藥南游者
宜誌之

朱劉亮合仙丹須白蟾蜍白蝙蝠得而服之立

死唐八陳子真得蝙蝠大如鴉食之一文六
鴻而死

小蜘蛛長脚者一名嘯蛸一名長崎俗名喜子

陸機疏詩名長脚荆州河内人謂之喜母

段成式云主夜神呪可辟惡夢呪曰婆娑婆演

帝

清泰小字二十三蓋正月二十三日生也以是

日為千秋節入臣奏對但云兩旬三日或數

物則云二十二更過二十四不敢斥尊也

先賢傳魯百恭士名日汜行年七十其恭益甚

冬日行陰夏日行陽一食之間三起

秦穆公時有人掘地得物若羊將獻之道逢二

童子謂曰此名為蜃常在地中食死人腦若

欲殺之以栢東南枝插其首由是墓皆植栢

又曰栢為鬼廷

漢孝和時南海獻龍眼荔枝十里一置五里一

堆交州記曰龍眼高五六丈似荔枝而圓小

謝承書曰唐菟字伯游上書諫以龍眼荔枝

及生鮮獻之驛馬晝夜傳送至有死者二物

升殿未必延年益壽帝後之

魏初傳古文出邯鄲淳石經古文轉失淳法石
長八尺廣四尺碑石四十八枚廣三十丈魏
文帝刊典論六碑附於其次陸機太學贊別
一碑在講堂下載蔡邕韓說高堂谿等名太
學弟子贊復一碑在外門中又一碑漢順帝陽
嘉八年立云建武二十七年造太學永建六
年九月詔書修太學工徒十一萬二千入陽
嘉九年八月作畢有晉辟雍行禮碑是太始
二年立

子曰乾之動直靜專坤動闢靜翕其根也天根

每日兩度蹠入尾閭戶竅則海湧出潮

世傳費長房得符於壺公以是制服百鬼其後
鬼竊其符因以殺長房

道士屍解謂之身經大陰

李泌在衡山事明瓚禪師瓚云欲學者先將筆
硯碎却明瓚北字大照之門人性懶群僧令
看鹽雨至流于池群僧毆之不怒冬月卧于
竈前不起以粥灑其頭因就頭取喫號懶瓚
作明心論

後漢崔篆著易林六十四篇篆駟之祖父或曰

卦林或曰象林
白馬猶緇布名實而

續博物志卷第六

[Faint bleed-through text from the reverse side of the page]

續博物志卷第七

前都官員外郎隴西李石撰

老子谷神不死至用之不勤此章全是黃帝之
言今在五干文內則老氏所著書恐非真已
出

正月不食生葱三月勿食小蒜四月勿食大蒜
五月勿食雞六月七月勿食菜萸成血痢八
九月勿食薑并肝心肺十月勿食椒十一月
十二月勿食戴甲之物并脾胃
眼者身之鏡耳者體之牖視多則鏡昏聽衆則

牖閉面者神之庭髮者腦之華心悲則面焦
腦減則髮素精者體之神明者身之寶勞多
則精散營竟則明消人死必視其形如生人
足不青皮不皺目光不毀頭髮盡脫而失形
骨者皆尸解也武德三年晉州人吉善行於
羊角山見白衣父老呼善行曰為吾語唐天
子吾為老君即汝祖也高祖因立廟高宗追
尊玄宗皇帝明皇親註老子令學者習之兩
京及諸州各置玄宗皇帝廟京師號玄宗宮
諸州號紫極宮尋改西京為太清宮東京為

太微宮皆置學生

蒿菜出高國有毒百蟲不敢近蛇虺過其下誤
觸之則目瞑不見物有中其毒者唯生薑汁
解之

食黃頰魚後飲荆芥湯即死

草木之生動搖者生而不暢人之導引動搖引
體者何故壽而不死

堯若腊舜若腊桀紂之君垂腴尺餘

王克曰雷公有神雷聲有器安得謂之神正月
陽動故始雷五月陽盛故雷迅秋冬陽衰故

雷潛太陽用事陰氣乘之陰陽分爭則相激
射為毒中人則死中木則折人以震死試以
斗水沃冶鑄之火火氣激烈則為雷聲或曰
雷火之及金石焦鎔而漆器不壞何也道家
以雷燒石投井中石焦水寒激聲大鳴
顏淵與孔子俱上泰山東南望吳昌門外孔子
見白馬引顏淵指之若見吳昌門乎顏淵曰
見之有繫練之狀孔子撫頤而止之顏淵髮
白齒落遂以病死蓋精力不及聖人而強役
之也

檄似菜黃而小赤色
檀似黎而酢澁鹿食椒橘葉其肉自然作椒橘
香江東呼蘂為藤似葛而麓大梗似豫章行
斗為櫟或言皂斗椽實似柰袖似橙而酢
淮南子曰狼者類知而非知也愚者類君子而
非君子也彊者類勇而非勇也使入相去也
若王之與石也葵之於菟也則論入易矣夫
亂入者若芎窮之與藁本蛇林之與蕪蕪
蕪葵一名曆葵聖王以是占日月之數
朱草狀如小桑莖長三四尺枝葉皆卅汁如血

木朔望生落如冀茨周而復始可以滌絳成黼
黻之章金銀投其汁可使成圓泥成水為金
漿以投之為玉醴飲之令人長生出抱朴子
驃國諸蠻並不養蠶收娑羅木子破其殼中如
柳絮細織為幅服之謂之娑羅籠段
蠶法者鹽成團為顆質則以顆計之
茶出銀生諸山採無時雜椒姜烹而飲之
生金出長傍諸山取法以春或冬先於山腹掘
坑方夏水潦蕩沙泥土注之坑秋始披而揀
之有得片塊大者重一斤或二斤小者不下

三四兩先納官十分之八餘許歸私仍累勞
効免征賦麩金出麗水河鞏川有罪送淘金
所最為重役會同川銀山出銀礦私置冶官
收十之三諾駁川有錫山出錫
蘇耽郴縣人嘗與衆兒共牧牛更直為師錄每
至耽直牛不逐自還既而辭母仙去又說年
疫穿一井飲之可得無恙
道士譚紫霄有觀燈之術說入禍福必中
郭頌世語云魏黃初盜發吳芮家見芮屍容貌
衣服並如生吳平發冢人於壽春見南蠻校

尉吳綱曰君形貌可類長沙王吳芮乎但君
微短耳綱矍然曰是先祖也自芮卒至家發
四百年至綱又四十年矣

丹水有石穴蝙蝠大者多倒懸百歲者倒懸得
而服使入神仙

陶隱居云學道之士居山宜養百犬白雞可以
辟邪

蘇枋木自然蟲糞為紫粉

秦二十一年鑄金狄十二釋氏之源本霍去病
討休屠王獲其祭天金人武帝以為神列於

甘泉宮魏黃初元年徙長安銅狄重不可致
或言金狄泣因留霸城南人有見劉子訓與
父老共摩銅狄曰正見鑄此時計爾馬已近
五百年矣董卓毀其九為錢符堅毀其二為
錢其一百姓推置陝北河中或云翁仲頭髻
常出晉軍至髻不復出

陳正敏所取者陳搏李瀆林逋魏野皆避世之
士希夷先生陳搏服氣辟穀二十餘年或寢
百餘日不起太平興國中召入復放還山一
旦自作表云臣搏大數有終聖朝難忘已於

今日二十二日化形於蓮華峯如期而卒七日支體猶溫五色雲蔽洞口彌月不散已百餘歲矣

劉向列仙傳葛洪神仙傳沈玠續仙傳曾慥集仙傳以異代事著於

本朝者自尔朱洞吕嵩陳搏賀元曾被祖宗眷異者名臣如歐陽脩劉九石延年皆在賀元仕石晉為水部員外郎章聖東封謁道左天聖初使弟子喻澄詣闕獻浮屠老子像直數十萬

毛女在華山山客獵師世世見之體生毛自言秦始皇宮人陳搏在華山或謗以與毛女往來

孔安國撰孔子弟子七十二人劉向傳列仙亦七十二人皇甫士安撰高士亦七十二人陳長文撰耆舊亦七十二人

李泌絕粒五六載身輕能行於屏風上引指使氣可以吹燭至滅導引骨珊然有聲號鑠子骨

鬻子名熊楚人為文王師年九十見文王曰使

臣捕獸逐麋已老矣使臣坐策國事尚少也
按葛仙公云素書乃河上公以授漢文帝也黃
石公所授張子房多云陰符非也一云三略
乃子房所著非所授之書或曰河上公授漢
帝不應於子房墓中得之黃石公丹書身之
八殺貪殘姦醜狡佞計復命之四業此惠
悖已狎不肖如賢能

昔有一人好道而不知求道之方唯朝夕拜跪
向一枯樹輒云乞長生如此二十八年不
枯木一旦忽然生華華又有汁甜如蜜有人

教令食之遂取此華及汁並食之不訖即仙
劉少翁曾數入太華山禮拜向山如此二十年
遂旦旦得見兩嶽丈人授其仙道

一人數旦旦詣河邊拜河水如此十年河侯河
伯遂與相見與其白璧十雙教授水行不溺
法

意茲一名薛珠收子蒸令氣餹暴乾採取之作
飯麵主不飢
作乾薑法水淹三日畢置流水中六日更去皮
然後曝乾入甕瓶謂之釀也

淫羊藿一名仙靈脾淫羊一日百遍食藿所致
新生交作乾菜妙作餛飩吞三五枚以飯臍之
良療一切鬼氣

蘇合香本草云生中臺川陶云是師子屎又云
是諸香汁煎之非一物從西域來者如紫檀檀
重如石葉與是山葡萄

江東人通名楊柳楊葉短柳葉長

高座道人不肯作漢語或問此意簡文曰此簡
應對之煩和尚胡名尸梨密宋云高座西域
人傳三國王子以讓弟遂為沙門永嘉中到

中國順帝時琅琊宮崇上其師于吉於曲陽
泉水上得神書百七十卷號太平清領書其
言以陰陽五行為家而多巫覡雜語後張角
頗有其書按江表傳道士于吉東來吳會立
精舍燒香讀書孫策斬之曰昔南陽張津為
交州刺史常著絳帕頭鼓琴焚香讀邪俗道
書為蠻夷所殺此甚無益

真誥云吞琅玕之華而更營丘墓者衍門子高
丘子洪崖先生羨門子墓在幽州漁陽高丘
子墓在中山洪崖先生墓在武威此三郡縣

入並云上古死人空塚

王子喬墓在京陵戰國時有發墓者唯見一劍

漢地理志大江九江中一源而三日

揚雄益州箴巖巖岷山古曰梁州魯城北有孔

子學堂蜀有文翁講堂北海有鄭司農儒林

講堂宅亦只第言有甲乙之次第也漢書成

帝王甲觀中畫堂魏有茅堂

續博物志卷第七

續博物志卷第八

前都官員外郎隴西李石撰

後漢襄楷延熹中上疏云宮中立黃老浮屠祠

陛下嗜欲不去豈獲其祚或云老子入夷狄

為浮屠浮屠不三宿棄下不欲久生思愛精

之至也天神遺以好女浮屠曰此但華囊盛

血遂不盼之

漢帝問陳蕃徐稚來宏孰為後先蕃荅宏生公

族不鏤自雕至於徐稚傑出薄城故宜為先

伏生為秦博士文帝撰五經尚書大傳使掌故

歐陽生等受尚書於伏生灑水有微君伏生墓

晉書地道志曰遼西人見遼水上有浮棺欲破之語曰我孤竹君也汝破我何為因為立祠或曰漢靈帝時遼西太守廉翻因夢得之此與

前志

沈彬保大中以尚書致仕居江西高安手植一木於平野戒諸子曰必葬我此地子孫伐木掘土深丈餘得一石椁上刊八字云開成二年壽榔一斫即葬之

墨子惡樂故朝歌四車論撰考識曰邑名朝歌顏子不舎七十弟子掩目宰子獨顧由履隨車宋均曰子路患宰子顧視凶地故以足履之

齊時有發古塚得銘云青州二十子東海女郎河東賈昊以為司馬越女嫁為荀晞子婦檢之果然

東都殖業坊十字街有王戎墓隋代釀家穿其傍作窖得銘曰晉司徒尚書令安豐侯王君銘

廣川王去疾發魏王子且渠冢甚淺狹无棺柩
有石床床下悉是雲母牀上兩尸一男一女
皆年二十許東首裸卧顏色如生人鬢髮齒
牙亦如生人王畏懼不敢近

晉靈王冢屍亦不壞唯王蟾蜍一枚

幽王冢甚高壯雲母深尺餘百餘尸相枕藉皆
不朽唯一男子餘皆女子

梁書冢有一白狐王擊之傷其足王尋病足死
蕭頴士與行侶共濟瓜洲舟中二少年相雇曰
甚有肖鄱陽忠烈王頴士是鄱陽曾孫即自

款陳二子曰吾識而祖久矣遽負擔而去頴
士北歸盱眙吏獲發塚盜五六人頴士認江
中二少年亦在內頴士以前說詢之曰我膏
開鄱陽王冢當門貴人顏色如生與頴士相
類此與吳綱似吳芮事頗同芮事出水經頴
士事出薛用弱集異記

九真山多大蛇名曰髯蛇長十丈圍七八尺吞
鹿角骨鑽皮出夷以大竹籤系而食之楊氏
南裔異物志曰髯惟大蛇既洪且長采色駁
牽其文錦章食大吞鹿腴成養割賓享嘉燕

是豆是觴

武強縣有行於塗得一小蛇養之名擔生長而噬人里人遂捕繫獄擔生負而奔邑淪為湖縣官吏為魚矣

漢光武二年鮮于冀為清河太守作公廨未就而亡後守趙高計工用二百萬冀秉劉適言四百萬冀乃鬼見白日道從入府與高及秉等對共計校定為適秉所割匿冀乃書表自理言高貴不尚節壠畝之夫而冀踞遺類媚世求顯偷竊銀艾鄙辱天官臣不勝鬼言去

三十里車馬皆滅不見秉等伏地物故高以狀聞詔差代以旌幽中之訟

老人晨渡朝歌水而怯紂曰老者髓不實故晨寒因斫脛以視髓

紂有新聲靡樂作邑朝歌史記曰朝歌之音歌不時也虞號之間傳說隱室傳巖俗名之為聖人窟

劉向叙晏子春秋稱古治子曰吾嘗濟於河龜御左騃以入砥柱之流吾從而殺之孔子臨秋水而歌曰秋水何兮風揚波船楫顛

倒更相加汲縣舊汲郡有石夾水為碯漢太公釣處有太公泉太公廟牧野竹書作毋野有比干墓前有石銘題隸云商大夫比干之墓所記唯此漢高宗孝文各為立碑

顏含字洪都兄畿得疾死於醫家人迎喪引喪者顏作曰我壽命未死但服藥太多傷五臟耳及還婦夢之曰吾當復生急開棺以手刮棺指爪盡傷氣息甚微飲食所須託之以夢含侍養足不出戶者十三年畿竟不起

二廣深溪石壁上有鬼影如澹墨畫船人行以

為其祖考祭之不敢慢俗好於門畫虎頭畫鸞字謂陰司刀鬼名讀漢舊史儼逐疫鬼又立桃人葦索滄耳虎等鸞為蓋滄耳也

俗傳鍾馗起於唐明皇之夢非也比史堯暄本名鍾葵字辟邪干勁字鍾葵宋宗慤妹名鍾葵非特明皇時但葵馗二字異耳又曰終葵菜名閩中多木綿植之數千株採其花紡為布名吉貝南史言林邑等國出古貝木以古為言訛也

縱松葉栢身檜栢葉松身

黃公好謙女有國色而謙其美以為醜也女至
難嫁有鰥夫冒娶之乃國色果信黃公之謙
魏甲父耕於野而得玉弗識也鄰人陰欲得之
給曰此恠石也甲父置玉於室其光燭夜果
以為恠棄之於野鄰人從而盜之以獻魏王
王工望而拜曰此無價之寶
陶隱居書自奇世傳畫枝帖及焦山下瘞鶴銘
皆其遺迹
王會稽七子凝操徽渙獻五人書迹傳世惟玄
蕭二人未見而五子書各不同蓋善學父書

者
郝氏夜祠佛鬼車乘燭光而下翼廣丈餘九首
互相低昂其家呼犬持杖逐之墜一羽長三
尺許廣八九寸色類鵝鴈
江浙間有鳥名飛生孤首肉翅四足如獸飛而
生子即隨母後人有難產以其爪安脅腹間
立驗亦有得其皮者
有異鳥鳴如嬰兒巢於木探得其雛大如鵝青
首白面嘴爪類鷹鷂或曰此鵬也
高麗人參贊正楹五葉背陽向陰欲來來我極

樹相尋撥木葉似桐甚太陰廣參多生其陰
王孫一名黃孫一名黃昏孫思邈有黃昏散注
云黃昏木或曰合歡合昏夜合花陳無已云
探囊一試黃昏湯草部木部黃昏為二物郭
璞曰守宮槐晝日聶合而夜舒布也江東有
木與此相友俗因名合昏古今注云合歡似
梧桐枝葉互相結風來解使人不忿稽康種
之於舍前

續博物志卷第八

續博物志卷第九

前都官員外郎隴西李石撰

南昌縣出然石異物志云色黃而理疎以水灌
之便熟以鼎炊物可熟置之則冷如此無窮
元康中雷孔章入洛賚以示張公張公曰此
謂然石

晉書曰漢末博士燉煌侯瑾善內學弱水出流
沙流沙與水流行也在西海郡北山有赤石
白色以兩石相打則水潤打之不已則潤蓋
火出山石皆然炎起數丈不滅有大黑風自

流沙出奄之乃滅其石如初不敢輕近耳
火井以草爨之則煙騰火發湯井以草內之則

露凝

鏗銷狀如刀戈殘刃有孔旁達出霍水飾以金
所指無不洞夷入左寶月以血祭之俗謂天
降非人鑄營刃鑄以毒藥治取躍如星者淬
以馬血成之傷一即死刀劍以柔鐵為華幹
不可純用鋼純鋼不折則缺

天寶中交趾貢龍腦如蟬蠶老龍腦樹節方有
禁中呼為瑞龍腦上唯賜貴妃十枚香氣徹

十餘步

蓬萊山使高麗者望之甚遠前後下峭拔可愛
其島屬昌國縣其上平廣可以種蔣島人云
蓬萊三仙人越弱水三萬里不應指顧間便
見此外不復見山

馬緒謫潮得巨蟻長尺餘益漬之歸誇北人
兩頭蛇馬鼈食牛血所化

鴟鳩毛氏云枯鞠郭璞謂布谷鴟鳩毛氏云王
睢郭璞謂鴟鴞斯毛氏云卑居又云鴟鳥郭
璞云小雀好群飛毛云桑扈為竊脂郭璞云

為青雀好盜脂

海州有人持一束黑物形如竹篾其人云海魚腮中毛可作屏風貼色似水牛角頭似豬鬃長三四寸廣可一寸

人家有小蟲至微而響甚尋之卒不可見號竊

蟲大如半胡麻形似鼠婦有兩角白色振其

頭則有聲孟康朝作賦比之鬼魅

海州有溝水通淮過漕船寶應中堰破水涸東海主修堰堰成輒壞或說梁代築浮山堰以鐵數萬斤填積其下乃成堰之壞如雷擊至

是聲聞上流蓋鐵味辛辛能害目魚龍護目

故畏鐵也有人淬劍於池池魚皆浮去

張勃吳錄曰彭澤有鳥接食團飯投之高下無

失巫山迎船鳥亦然

凡鳥三指向前一向後鸚鵡兩指向前

漢明帝永平五年長安徙取飛廉并銅馬置上

西門外晉灼曰飛廉鹿身頭如雀有角而蛇

尾豹文應劭曰飛廉神禽能致風氣

宣王好射三石之弓而有以為九石臣下從而

悅之以非大王不能用其實三石也九石名

而已

周官全羽為旛折羽為旌道路用旌節即此旌也顧愷之畫蘇武所執之旌上圓如幢下復數層紅羽駢駢然如夜合花此折羽也今南簿中節頗類此其首亦圓相去尺餘有數重圓板以繫牛尾綴之亦折羽遺法然蘇武漢節則旌節之制至於龍節虎節玉節之類則今虎符之類但可合符不必畫為旌耳唐畫節首一物若書卷豈亦符乎漢銅符以銅為之竹符以竹五寸鐫刻篆書其上

硯譜載天下之硯四十餘品以青州紅絲石硯為第一端州芥柯山石為第二歙州龍尾石為第三

夜藏飲食於器中覆之不密鼠欲盜食不可至環器而走決滴器中食之得黃疾遍身如蠟鑰石類金磁硃類玉木蘭類桂突醢類檀蛇牀類藤蕪入參類蒼檜類狐狸類狗鸞鸞類鳳野馬類麟

肅宗時有告保寧太守及者令李泌乘千里馬往索之千里馬寧遠所獻髮拳紫色狀如八

駿乘者必衣裘冒絮似胡兒抱持早發扶風
初馳三十里則皆旁側跳三十里外乃墜然
而去唯聞耳傍風聲飛前蹄之上過耳辰時
達保定申時歸奏事

顯帝有三子而亡去為疫鬼其一居江水為疫
鬼其一居弱水為罔兩其一居入宮室堰掘
善驚入小兒

脚弱病用杉木為桶濯足排撞腦兩股間以脚
棚繫定月餘即效

雜令曰蹄入者絆其足醫入者截其耳說文牛

觸者角著橫木

有一狼子生平多逆父其父臨死囑曰必葬我
水中意其逆命得葬土中至是狼子曰生平
逆父命今死不敢違旨也破冢築沙潭水心
以葬

本草經曰虎噴風生龍吟雲起磁石引鐵琥珀
拾芥漆得蟹而散麻得漆而湧桂得葱而軟
樹得桂而枯戎益累卵懶瞻兮杯其氣爽之
相關感也

一曰偏記二曰小錄三曰逸事四名錄言五曰

郡事六名家史七曰別傳八曰雜記九曰地理十曰都邑簿

唐大順元年六月資州兵王金義妻如孕覺物漸下入股至足太拇痛甚折而生珠如彈圓漸長大如杯

西京相璠曰京有小索亭世語以為本索氏兄弟居又為索水晉志京有大索小索亭漢書京索之間也

紀信塚在滎陽城西北三里漢長安巧工丁緩作卧褥香爐體常平又作

七輪飛車七車大皆任八一人運之滿堂戰今二法並存

針然云人受命於天地變化而生一月而膏二月而脉三月而胚謂如胞之狀四月而胎謂如水中銀蟬胎也五月而筋六月而骨謂血氣變為肉肉為脂脂為骨也七月而成形八月而動九月而環十月而生

九章算法方田一粟子二差分三少廣四均輸五方程六傍要七盈不足八鈞股九

語林云王中郎以圍碁為坐隱或亦謂之為手

談又謂之為基聖

竇毅王叡云東方朔以為寄生賣餅入結茅為

經以戴頭上狀如環

蟹鬮精上有孔其中子有泥食之殺入

露布捷書之別名以帛書揭之竿魏武奏事謂

之露板

公孫龍以書有四目四聰遂以聰天地人為臧

之三耳臧善也以白馬非白馬教也其意若

改其說無以教人

易之生物奇偶三才之數三三而九九九八十

一主日日數十故人十月而生八九七十一二

偶以承奇奇主辰辰主月月主馬馬十二月

而生七九六十三三主升升主狗狗三月而

生六九五十四四主時時主豕豕四月而生

五九四十五五主音音主猿猿五月而生四

九三十六六主律律主禽獸故禽鹿六月而

生三九二十七七主星星主虎虎七月而生

二九十八八主風故蟲八月而化

陶谷子妻曰南山有豹霧雨七日不下食者欲
以澤其衣毛而成其文章故藏以遠害

齊民要術曰梧桐山石間生者為樂器則鳴
周書曰清明之日桐始花桐若不華歲有大寒
太行即五行之異名淮南子曰武王欲築宮於
五行之山

猗頓魯之窮士耕則常寒聞朱公富往問術焉
朱公曰子欲速富當畜五牝

童子操戈與孟賁戰孟賁必不勝童子修禮盡
敬雖孟賁不忍犯

鳩食桑甚則醉猫食薄苛則醉虎食狗則醉
管子曰聽宮如牛鳴窮中

牛聾聵面牛鼓黃是也

積皂莢置油澆其中水不凝雞子殼令人患

白癩風踐壞竈土令人害瘡

桑柴灰取汁煎白礬治壁鏡蛇毒石榴名天漿

巴乳石毒

桃根為印可召鬼

卧欲縮足不欲左脇

彌里在湯陰縣廣雅稱獄狎也夏曰夏臺商曰
麥里周曰囹圄皆圓土也

亡矣

與前志小異

紂剖比干觀其心，桀殺龍逢無剖心之事，桀惟比之於日，紂乃詐命於天。

西伯軍至，鮪水紂使膠鬲侯周師，問曰：西伯將焉之？曰：之薛。膠鬲曰：無我欺，曰：不予欺也。將伐紂，曰：何日至？曰：以甲子。膠鬲以是日報紂。是日雨，其卒病，請休師。西伯曰：膠鬲已報其主，以雨進兵，救膠鬲之死也。商容與殷民觀周師之入，見纘公曰：吾新君也。容曰：非也。其人將有急色。君子臨事而懼，見太公曰：吾新

君也。容曰：非也。其入虎踞而鷹趾，當敵將衆，威怒自倍，見利即前，不顧其後，故君子臨衆果於進退。見周公曰：吾新君也。容曰：非也。其為人忻忻行，休志在除賊，是非天子則周之相國，故聖人臨衆知之。見武王曰：吾新君也。容曰：聖人為海內討惡，見惡不怒，見善不喜，顏色相副，以是知之。

犀出越駘以陷窞，取之每殺，天震雷暴雨。

野桑生石上，取以為弓，不膠漆而利。

淮南子曰：鯀堙洪水，盜帝之息壤，帝使祝融殺

之于羽淵今荆州南門外有狀若屋宇陷中而猶見其脊旁有石記云不可犯番鍾所入輒復如故又頗以致雷雨近代有妄意發掘水全出不可制與前志佛樓汝國有佛鉢受三斗許青玉也或曰青石或曰雜色而黑多四際分明厚可二分貧人以少華投中即滿富人以多華正復百千萬斛終不滿或曰在月支國穆天子傳曰天子賓于西王母乃紀其迹于弁山即西王母之山

武王既勝紂登邠之阜以望商邑曰自發未生六十年麋鹿在牧蜚鴻滿野徐廣乃引內史遺之言曰夷羊在牧張華以為文王之詞曰水潦東流飛鴻滿野又曰自發未生之十年與前志淮南子云亂之所生皆在流道大興宮室延樓棧道雞棲并幹側木榑櫨以相支持木巧之飾此道於木也魏軍南伐朱脩之守滑臺城不下其母悲憂乳汁驚出乃號踊告家人曰我年老非有乳時

今忽其不免是日城陷

帝王世紀堯時厨中自生肉脯薄如婁搖鼓則生風使食物寒而不臭

堯緝獬豸之皮以為帝帳

嶺南溪洞中往往有飛頭者故有飛頭老子之

號頭將飛一日前頭有痕匝項如紅綾妻子共守之及夜生翼飛去曉却還

梵僧菩薩勝言閻婆國中有飛頭其俗所祠名

曰蟲落因號落氏

河圖曰少室山大竹堪為甌噐山海經舜林中

大竹一節可以為船漢竹大者一節受一斛小者數升為桴棹廣志曰雲母竹大竹也桴竹細而多刺也篋竹堪作笛著竹宜為羣椽篋竹皮青內白如雪軟韌可為索

竹譜曰竹之則類六十有一

南越以孔雀珥門戶崑山以璞玉抵烏鵲

燕避戊巳蝠伏庚申一歲三蠶則桑弱馬耗

孔子曰違山十里蟪蛄之聲猶在於耳政事惡

譁而善肅

並蚓長吟地中江東謂之歌女

木瓜味酢善療轉筋陶隱居云如轉筋時但味
楸名及書上木瓜字輒愈

穀膠可以團丹砂又曰為金石之漆

橘柚彫於北徙石榴鬱於東移

呂氏春秋曰善學者若齊王之食雞必食其跖

數千而後可足也

慕容廆有馬蹄四十九年駿逸不羸鑄銅為之

像親為銘讚

撥拔力國有異獸名駝牛皮似豹蹄類牛無峯

項長九尺身高一丈餘

水麝天寶初虞人獲水麝詔養之臍中唯水瀝
滴於斗水中用灑衣至敗香不散每取以針
刺之捉以真雄黃香氣倍於肉麝此與前說
水麝小異併錄之

張華為黃門侍郎博覽圖籍千門萬戶畫地成
畝

司馬遷欲自成一家確琢經傳之文以從世變
可也至改古文尚書論語可乎

楚王使屈原造為憲令屬草藁未定上官大夫
見而欲奪之原不與讒之曰王使屈平為令

衆莫不知每一今出平伐其功以為非我莫
能為也王因是疏屈平

虞桑子出山人王士源采莊子庚桑篇為之自
云其先人於山中得古本唐人疑之竟不施
行今亢倉子三卷是也

漢蜀人趙賓好異說以氣無箕子箕子者萬物
發茲也顏師古曰古皆髮箕同音

貴妃以假鬢為首飾曰義髻僖宗內人束髮甚
急為囚髻唐末婦人梳髮以兩鬢抱面為拋
家髻

望梅生津食芥墮淚此五液之自外至也慕而
垂涎愧而汗發此五液之自內至也

良常山有熒火芝大如豆夜視有光得食一枚
心中一孔明食七枚七孔明可夜畫華陽洞
亦有五種夜光芝包山有白芝

王猷云有書契以來便應有筆世傳蒙恬制非
也崔豹曰蒙恬以枯木為管以鹿毛為柱羊
毛為被所謂毫非今之竹兔也

元和中元稹使蜀管妓薛陶造十色彩箋以寄
元稹於松花紙上寄詩贈陶蜀中松花紙雜

色流沙紙彩霞金粉龍鳳紙近年皆廢唯餘
十色綾紋紙尚在

湘州記蔡子池南有石曰是蔡倫舂紙曰

李司徒勉在汴州得異骨一節可為硯南海時

得於海齒云是蜈蚣脊骨

蕭史與穆公鍊飛雪丹第一轉與弄玉塗之今

之女銀膩粉也三代以降塗紫草為臙脂周

以紅花為之或曰出於閩氏

葛洪曰沈義學道於蜀中與妻共載

管子曰武王為洛靡令曰豹擔豹裘方得入廟

故豹皮百金功臣之家喪千鍾而未得三豹
皮

陵陽子明經云春食朝霞日欲出時黃氣也秋

食淪陰日沒以後赤黃氣也冬食流瀝夜半

氣也夏食正陽南方日中氣也并天黃地黃

為六氣

墨子作木為飛三日不集公輸子之雲梯墨子

之飛為是也

今之紙為引絲而上今兒張口望視以洩肉熱

同光中莊宗遣平蜀得王衍金銀命悉鑄之為

金磚銀磚約重三百斤一磚開一竅二人擔
乏上有匠人名曰馮高過荆南高季興曰馮
高主屬我坑官吏持而有之儲為一庫皇朝
建隆中金銀入京師斤兩封緘如故

華俗謂上金為紫磨金東俗謂上金為楊邁金
印子金世傳淮南王安藥金上有印子篆文劉
主字壽州八公山土中耕者往往得之小餅
重半兩有一印大餅至七兩有二十許印
襄趙之間故春陵白水之地多得金麟趾裏蹠
金趾中空四旁有文刻工巧裏蹠似於平物

上滴成如乾柿土人謂之柿子金或曰此妻
敬所為藥金和藥竅良

古玉器有奇特非雕琢入功者多是昆吾刀及
蝦蟇肪所刻肪可得取肥者到煎膏塗玉亦
軟滑易截

冬瓜仁七升以絹袋盛之投三沸湯中暴乾如
此三度苦酒浸一宿為末日服方寸匕令人
不老

通天犀千歲者長且銳白星徹端出氣通天則
能通神可破水駭雞矣抱朴子有白理如線

者以盛米，雞即駭，刻為魚，銜入水，水開三尺，勒畢，國人長三寸，有翼，善言語，戲笑，因名語國。飲丹露為漿，丹露者，日初出，有露汁如珠也。漢武習水戰，作昆明池，釣魚綸絕而去，夢魚求去，其鈎明日帝戲於池，見魚銜索為去之，復游於池，得珠一雙。
東海負嶠山，有冰蠶，長七寸，有鱗，角以霜雪覆之，始為繭，其色五綵，織為文錦，入水不濡，投火不燎。
石決明亦名九孔螺。

魚子合猪肝食之殺入
陳藏器云：蟬脚中髓及腦殼中黃並能續斷絕筋骨，碎之，微熬，內創中筋即連。
方言云：桂林之中謂守宮，能鳴者以蛤蚧相似。蜘蛛網纏贅疣，七日消爛，屢有驗。
袖似橙而大於橘，石蜜其實，乳糖。
苦窮不可久服，令人暴死。
藕與蜜同食可以休糧。
淮口揚州出身，黎蘇合香一兩，酒一斗，同煮，極能調五臟。

董葉者婆羅門云阿魏苗根似白芷

胡麻性與茯苓相宜即巨勝

苦參為齒藥使入傷腎腰重麵熟麩冷

粟與棘相類皆有刺

粳粟米五穀中最硬得漿水易化倉粳米炊作

乾飯食之止痢

採芸香葉置席下能去蚤虱子

仙家謂醋為華池左吐

白髮鬚鬚去消臘點乳中即生黑者

松脂杏仁棗肉茯苓等分食後服五十粒可不

有黃連桔梗勿食猪肉有茯苓勿食酢物有細

辛勿食生菜

古無純銅作鏡者皆有錫雜之

巴豆神仙食一枚即死鼠食三年重三十斤

麩金是毒蛇屎

徽姓舉事當忌亥日以火絕在亥

巳日巳年不殺蛇

段成式云神荼鬱壘領萬鬼

瘡鬼小不能病巨人故曰壯士不病瘡晉人曰

君子不病瘡蜀人以瘡瘡為奴婢瘡

沈懷遠南越志曰珠有九品寸五分以上至寸
八九分為太品有光彩一邊小平似覆釜者
名璫珠璫珠之次為走珠走珠之次為滑珠
滑珠之次為磊螺珠磊螺珠之次為官雨珠
官雨珠之次為稅珠稅珠之次為葱珠
元封二年太秦獻花蹄牛高六尺尾環遶角生
四耳阿薩部多蠟虫鹿剖其肉重疊以石饅
之瀝汁稅波斯鬱林等國草子釀於肉汁中
經數日即變成酒飲之可醉
方舟先生曾中有著氏藏室取張華博物

志倣而續之蓋游戲引筆以占其胸中藏
書何如耳司馬子長叙孔子所以聖者而
記其辯商羊專車之骨等事或者謂此特
子產之儔不宜以此累夫子遷則陋矣而
或者亦未之察也夫道固絕學然豈必漫
不省識一物而頽然以獨造耶詩識鳥獸
草木之名易知鬼神之情狀於道與有力
焉子在川上所見者水而所取者道也具
此見以觀此書則幾矣

門人迪功郎眉山簿黃公泰 謹跋

續博物志後記

山珍海錯無補乎養生而飲食者往往取之而不棄蓋飽飲之餘異味忽陳則不覺齒舌之爽亦人情然也小說雜記飲食之珍錯也有之不為大益而無之不可豈非以其能資入之多識而恠僻不足論邪是書在宋嘗有板刻而今罕傳予同年賀君志同近刻博物志訖工復取而刻之俾與前志並行好古之士知其不染指也

弘治乙丑春三月工部主事姑蘇都穆記

能為卷十

十一

此果必... 博物志... 續博物志... 弘治乙丑春三月工部主事姑蘇都穆記

續博物志終

開化庫生方衛謹錄

大和三癸亥曆

孟陽上幹日

堀川伏見屋

藤右衛門梓

書林

博雅志終

開化在... 增詳...

大和三癸亥

孟陽上幹

伏見屋

書林

藤右衛門

W. H. ...

